

## Vrijeme: Umjereno do pretežno oblačno vrijeme



Jutros je u Bosni i Hercegovini bilo umjereno do pretežno oblačno vrijeme. Nešto manje oblačnosti i sunčanije bilo je na jugu i istoku zemlje. Po kotlinama i uz riječne tokove bilo je magle ili niskih oblaka.

Temperature zraka u 08 sati: Sokolac 8 stupnjeva, Bjelašnica 9, Livno 10, Drvar 11, Bugojno, Jajce, Prijedor i Sanski Most 12, Banja Luka, Ivan Sedlo, Tuzla i Zenica 13, Bijeljina, Brčko, Doboje, Gradačac, Sarajevo, Stolac i Zvornik 14, Bihać, Grude i Široki Brijeg 15, Trebinje 19, Neum 20, Mostar 21 stupanj.

Danas se u Bosni i Hercegovini očekuje umjereno do pretežno oblačno vrijeme. U drugoj polovini dana lokalno će padati slabija kiša ili kratkotrajni pljusak. Tokom dana, na jugu postupno smanjenje oblačnosti i sunčanije. Vjetar slab do umjerene jačine istočnog i sjeveroistočnog smjera. Najviša dnevna temperatura zraka većinom između 20 i 26, na jugu zemlje do 29 stupnjeva.

Tokom prijepodneva će biti ugodnije, mada uz povećanu naoblaku, dok bi u drugom dijelu dana, usljed mjestimično sparnog vremena, osjetljive osobe trebale biti opreznije i ne pretjerivati sa aktivnostima. Moguće su meteoropatske reakcije poput glavobolje, nervoze, malaksalosti. Poslijepodnevni, kratkotrajni pljuskovi, također bi mogli povremeno kvariti opštu sliku. Poželjno je slojevito se odjenuti.

Date: 11-09-2019